



Guyyaa qiyaamaa Rabbiin ummata koo irraa nama wohii uumama fuulduratti adda isa baasee

Abdullaah ilama Amrii ilam Aas irraa odeeffamee -Rabbitiin isaan irraa haa jaallatu- ni jedhe: Ergamaan Rabbii -Rabbitiin rahmataa fi nageenya isaan irratti haa buusu- ni jedhani: "Guyyaa qiyaamaa Rabbitiin ummata koo irraa nama wohii uumama fuulduratti adda isa baasee, galmees sagaltamii sagal isatti gadi baasa, galmeen hunduu hanga agartuu ijaati, eegasii ni jedhaan: kana irraa waa tokko ni mormitaa? barreessitoomni koo eegdonni si miidhanii jiruu? innis ni jedha: lakkii yaa Rabbii kiyya, Rabbitiin ni jedhaan: rakkoo himattu ni qabdaa? ni jedha: lakkii yaa Rabbii kiyya, Rabbis ni jedha: ee toltootu nu bira siif jira, dhugumatti hardha srratti miidhaan kamuu hin jiru, eegasii kaardii isii keessa: haqaan gabbaramaan Allaaha malee hin jiru Muhammad immoo gabricha Isaatiif fi ergamaa Isaati jettuutu gadi baafama, eegasii Rabbitiinis ni jedha: miizaana kee irratti argami, namtichiis ni jedha: kaardittiin tun galmees hedduu kana biratti maali isii yaa Rabbii kiyya? Rabbitiinis ni jedha: ati dhugumatti hin miidhamtu, ni jedhe: galmeewwan gama tokkoon kaardittiin immoo gama tokkoon miizaana irra ka'amtee jennaan galmeewwan kuftee, kaardittiin ulfaatte, maqaa Rabbii waliin wanni ulfaatu hin jiru".

[sirri] [tirmiziif ibnu maajah odeessan]

Nabiyyiin -Rabbitiin rahmataa fi nageenya isaan irratti haa buusu- Rabbitiin guyyaa qiyaamaa ummata fuulduratti ummata isaa irraa namicha tokko filatee herregamuuf jecha akka is waamu himani, galmees sagaltamii sagal isarra fida, isii barruu hojii isaa badduu kan inni duuniyatti hojjataa ture yoo taatu, dheerinni galmees hundaa hanga agartuu ijaati. Eegasii Rabbitiin ol ta'e namicha kanaan akkas jedha: wantoota galmeewwan kana irratti barra'a'an keessa wanti ati mormitu ni jiraa? Malaa'ikaan koo eegdotaa fi barreessitoota ta'an waa si miidhanii? Namtichiis lakkii yaa Rabbii kiyya jedha. Eegasii Rabbitiin ol ta'e ni jedha: hojiwwan duuniyaatti hojjatte kanaaf rakkoo himattu tan ittiin dhiifama siif godhamu qabdaa? irraanfini ta'us yookaan dogongoraan ta'us yookaan wollaalummaan ta'us, Namtichis ni jedhe: lakkii yaa Rabbii koo sababaan naaf hin jiru. Rabbitiin ol ta'e ni jedha: ee toltootu nu bira siif jira, dhugumatti hardha miidhaan srratti hin jiru. Ni jedhe: kardii isii keessatti: haqqaan gabbaramaan Rabbitiin malee akka hin jirre ragaan ba'a, akkasumas Muhammad gabricha Isaatiif fi ergamaa Isaa ta'uu ragaan ba'a jechuun barreeffameetu gadi baafama. Rabbitiin ol ta'e namicha kanaan miizaana kee irratti aragami jedhaan. Namichis ajaa'ibsiifataa akkas jedha: yaa Rabbii koo! ulfaatinni kaardittii tanaa galmeewwan kana biratti maali?! Rabbitiin injifatee guddate ni jedhe: gonkumaa miidhaan sirra hin ga'u. Ni jedhe: galmeewwan gara tokko irra kaa'amlee, kaardiin gara tokko irraa ka'amtee; garri galmeewwan irra jirtu salphatee, garri kaardiin irra jirtu caalee ulfaatee argame, Rabbitiinis isaaaf dhiise.

النّجَاةُ الْخَيْرِيَّةُ
ALNAJAT CHARITY

